

ITXASOAK BOTARIKO GURUTZEA

Santi, oindio gaste izan arren, batelaren patroia zan. Eta zer esanik ez oso biertziñ ta kristillau sintzoa gainera. Eta beti pozik bizi zan Santi, ez bakarrik batela arraiñez beteta ekarten ebalako edo diru pillotxua surreratuta eukalako edo mariñel ona zala. Beste gauzatxo bategatik, batez be, pozik egoan mutilla. Miren'egaz, erriko neskatillarik onen eta politenagaz, ebillelako.

Eta Santi arraiñetan joaten etzanetan, illuntzean biak etxe ondoan berbaz egoten ziran.

—Noiz eskonduko gara, Miren?

—Ene, ba!; zeuk gura dozunean.

—Gura izan ezkeru, Pasako ostean edo ez-kendu geintekoz.

—Ba, bai edonoz. Baiña gure abi maite izango dan etxetxu bat edo billatu dozu?

—Ba, antxe egiten dabizen etxe barrian «pisotxu» bat artu geinke. Pozik eta bakian biziko gara.

—Jaungoikoak olantxe egin daiela.

Goiz baten, gaba arrantzan emonda, kai-za, portura eldu ziranean, Txomin be begira edo, an egoan.

—Arraiña, Santi, polito dakazue gero.

—Bai, orain txiki asko dago egon be ta.

—Nortzukaz joan az, ba?

—Portu-kaleko Iñixio ta anaia ta au... Peru, eroan dodaz.

—I, ta bisrko Patxi artu dokala entzun yoat. Egia dok?

—Bai. Zer ba, Txomin?

—Zer ba diñok, mutil? Ba'enki zer esan eban tabernan: Miren'egaz bera eskonduko zala ta etxakiat zer ta ha-dakiat nor. Ganera ha-dakik zelangoa dan ori. Len be or nun-edo-nun bateren bat il gura izan ebala entzunda nagok.

—Lartxu edanda egongo zan ta... Ganera Miren'ek ez nan itxiko, ezta... ezta ezegaitik be.

—Neuk be ba-yakiat ori, neskatilla ona dok eta. Baiña Patxi be bere atzetik ba'yabik, gura dauana egin arte ez da geldi egongo.

—Ez egik esan olangorik, gizona, ez egik esan. Lelokerien bat egitea gura ba'yok, musturrak neuk apurtuko yautsoazak.

—Bai, baiña kontuz ibilli adi, kontuz...

Illuntzean kaiara joiala, Santi'k Miren

egaz topez egin eban hideoan; baita berbaz egon be zatitxu baten. Alkar agurtu ta Santi ariñeketan kairantz joan zan, bere zain egezalako.

Batek baiño geiagok entzun ebazan Patxi' ren berbak eta zeozer jazoko zala usmatu be bai.

Txomin be an egoan beti lez begira.

—Agur, mutillak, ia arrain asko daka-zuen.

—Agur, Txomin.

Urrengo goizean ha-erorren batela, baiña iru mariñelegaz bakarrik. Alan zabaldu zan berria erri guztian.

Santi'ren gurasoak ariñeketan portura joan ziran zer gertatu zan jakiten. Miren, au jakiñik, etxean gelditu zan, baiña negar-erreak eginda.

—Zer jazo yako nire semeari? Nun dago Santi? —itanduten eban amak.

—Begitu, Tomasa —asi yakon Patxi—; geuk be ez dakigu ezer. Goizaldean, deskan-nazanian Santi batelian ez egoan. Lagun atzik be ez dogu ikusi.

Txomin'ek ezer be ez eban esan, baiña Santi Patxi'k itxasora hota ebalakoan egoan. Bakotxak naste bat egiten eban, ta iñok ez ekian gauzarik garbi.

Miren sarri egoten zan itxasorantz begira, Santi'ri itxaroten lez. Eta baten baiño geiagotan esaten eban negarrez bere kolkorako: «Nun ete zagoz, Santi? Ai! ai!, zer jazo ete yatzu or itxasoan?»

Eta egun baten itaun orren erantzuna itxasoak bialdu eban.

Patxi ta beste mariñel pillo bat ondartzan egozan sarak batzen. Eta olan egozalarik, uren ganean zeozer etorrela ikusi eben. Gurutze bat zan, ta olatuakaz geroago ta urra-go etorren.

Mariñel bi utetara sartu ziran; gurutzea atara ta zutunik ipiñi eben.

Patxi'k gurutzeari ez eutsan kasu andirik egin.

Baiña, nundik etorri leiken a onaiño? Mariñelak gurutze ori ikusten joan ziran. Azkenean Patxi be, itxi sarak, ta joan zan.

Kristo begiratu ta ez dakit nik zer, baiña au bere barru-barruan zeozer sentidu eban.

Belaunikotu zan eta esan eutsan: «Jauna, Zuk dana dakizu, eta Zuk ha-dakizu goizalde artan Santi neuk il ta itxasora jaurti nebalas».

Ta dana bertan bera itxi ta autortzera joan zan.

Geroztik onaiño gurutze a eleizan dago. Ta mutiko batek guzurra esan dauala iñok igerriten dauanean esaten dautso: «Mutiko, guzurrik egundo be ez egik esan gero, Ak elizako gurutzeok dana yakik eta...»

Elezar au, gaur egunean be, Asturias'ko amonak euren llobai edestuten dautse. Eus-kalerrian jazorikua bardin-bardin izan lei-teke.

Oiz

GIZURENA

Egizu zuk, ama, itzul-bira bat dagigula ta errialde ez-egun arriskutsu bat zearkatzen dogula. Zu jarrita zoziaz zeure aulkitan eta ni zure alboan nabil taka-taka neure zaldi margo duncan: Eguzkia jatziz doa, arratsa illunduaz. Gure aurrean, bakar ta arre, Yoradigui basamortua edatzen da. Ingurumari legor ta arriabar oro. Zuk pen-tsetan dozu izutua: «Seme, ez dakit nun sar-tu garean». Eta nik diñotzut: «Ez zaitex bildurtu, ama».

Zidorra estu ta bigurra da, ta sasiak oi-ñak urratzen dabez. Abelgorriak itzuli dira dagoneko lau zabaletatik euren auzokuillu-etara. Gero ta illun nasiagoak dira zeru ta lurra, orrezkero ez dogu ikusten nundik goazan. Beingoan, zuk dei dagistazu, aope-ko esanaz: «Zer argi ete da, seme, an ur ertzean dagoan a?»

Alarao izugarri batek zart illun-sabelean, eta itzal amilkor batzuk datorkiguz gaine-ra. Zu osoan kukurtzen zara zeure aulki-agan eta jainkoen izenak bir-esaten dozuz otoizka. Lepo-gain zaroezan morroiak elorri ostean gordetan dira izu-ikaraz. Nik oi-u dagitzut: «Ama, ez ikaratu, ni emen nauka-zuta!»

Gizerralleak gero ta urrago dagoz, ule-latz, igun luzez orniduta. Nik deadar: «Geldi or, gaizkiñok! Oinkada bat geiago ta illak zaitie!» Beste garrasi lazgarri bat, eta

bide-lapurrak gainean doguz. Zuk, zirgit egiña, eskutik oratuta diñotzazu: «Ene seme! ene bizia! Jainkoarren, iges emetik». Nik erantzuten dautzut. «Ama, begira. Iku-sik dozu!»

Orduan, aztalez astirtzen dot neure zal-dia, ta onek jauzi, saltu dagi asarrekor. Zar-ratatsu alkar jaten dabe niro ezpata ta beso-babeakiak. Burrukan diardut ikaragarri; zuk, ama, ikusiko ha'zendu zeure aulki orretatik, ikararen ikaraz izoztuko zintza-kez. Batzuk iges doaz, beste batzuk zati eginda jausten dira. Zuk, bien bitartean, ha-dakit nik, usteko dozu zeure aulki ortan jarrita, bakar-bakarrik, zure semea illa da-la. Ontan ni biurtzen naz, dana odoldua, ta diñotzut: «Ama, amaitu da burrukea». Zuk orduan, jarleku barratik urten, zeure bular gainean estutu ta dirauzazu mosukatzen no-zula: «Onezkero, zer izango nintzakean, ene semeak zaindu ez ha'nindu?»

...Egunero jazoten dira onango gauzak. Zergaitik gerta ez bein onango zerbait? Li-buruetak ipuin bat lez izango litzake. Niro anaiak esango leuke: «Baiña, al ete? Nik onen erkintxo uste nebana!» Eta erriko gi-zonak bein ta barriro: Zorion andia izan zan egiaz umea bere amagaz egotea».

R. Tagore

